

月夜

新開寶鏡素光涵
濯影流精勝十三天
際遙臨因有約樓頭雅
集不為耽盡捐色相成
玄悟獨會盈虛是老憨
怪底諸生都夢
夢良宵徒自付空談

訓人

何事勞勞死不休
為名為利在心頭
要知造化皆前定
莫逞機心啓後憂
大地有緣能自遇
憑天付與莫他求
廣行方便存陰德
無事區區作馬牛

寄示

鸞書兩紙寄天南
為囑吾徒屬意看
玉勅豈堪沈書閣
慈航終呂帝詩集
道藏輯要

擬渡江干嘗思請制情
何切莫謂指金劫
解難幾度乘雲臨楚
會數聲鶴唳碧天寒

示誠恕

世事渾如東水流
窮源須識有根由
但參性命安天數
不染塵鷺向上頭
坐破藤牀忘膝漏
磨穿鵲頂務心修
此般方見菩提
種流水高山靜裏求

示誠恕遊黔

大道無言在本真心
篇娓娓敘根因
今時鄂渚規模舊
他日黔山氣象新
有興趣時添興趣
不精神處著精神
須知三教原非
二莫負玄元一派親